

古詩源

冊二

古詩源卷八

長洲沈德潛確士選

晉詩

劉

琨

越石英雄失路萬緒悲涼故其詩隨筆傾吐哀音無次讀者烏得於語句間求

之

答盧謐

琨頓首損書及詩備酸辛之苦言暢經通之
遠旨執玩反覆不能釋手慨然以悲歡然以
喜昔在少壯未嘗檢括遠慕老莊之齊物近
嘉阮生之放曠怪厚薄何從而生哀樂何由
而至自頃輟張困於逆亂國破家亡親友彫
殘負杖行吟則百憂俱至塊然獨坐則哀憤
兩集時復相與舉觴對膝破涕爲笑排終身
之積慘求數刻之暫懽譬猶疾疢彌年而欲

以一丸消之其可得乎夫才生於世世實須
才和氏之璧焉得獨曜於郢握夜光之珠何
得專玩於隋掌天下之寶當與天下共之但
分析之日不能不悵恨耳然後知聃周之爲
虛誕嗣宗之爲妄作也昔駮驥倚輶於吳阪
長鳴於良樂知與不知也百里奚愚於虞而
智於秦遇與不遇也今君遇之矣勗之而已
不復屬意於文二十餘年矣久廢則無次想
必欲其一反故稱去聲旨送一篇適足以彰來
詩之益美耳琨頓首頓首

厄運初邁陽爻在六乾象棟傾坤儀舟覆橫厲糾紛

羣妖競逐火燎神州洪流華域彼黍離離彼稷育育

哀我皇晉痛心在目

其

天地無心萬物同塗禍淫莫

驗福善則虛逆有全邑義無完都英蕊夏落毒卉冬

敷如彼龜玉韞櫝毀諸芻狗之談其最得乎其咨余

軟弱弗克負荷協平韻愆豐仍彰榮寵屢加威之不建

禍延凶播協平韻忠隕于國孝愆于家斯罪之積如彼

山河斯豐之深終莫能磨其郁穆舊姻嬾婉新婚裏

糧攜弱匍匐星奔未輟爾駕已隳我門二族偕覆三

孽並根長慙舊孤永負冤魂其亭亭孤幹獨生無伴

綠葉繁縟柔條修罕朝采爾實夕捋爾竿協公竿翠

豐尋逸珠盈碗實消我憂憂急用緩逝將去乎庭虛

情滿其虛滿伊何蘭桂移植茂彼春林瘁此秋棘有

鳥翻飛不遑休息匪桐不棲匪竹不食永戢東羽翰

撫西翼我之敬之廢歡輟職其音以賞奏味以殊珍

文以明言言以暢神之子之往四美不臻澄醪覆觴

絲竹生塵素卷莫啓幄無談賓既孤我德又闕我鄰

其光光段生出谷遷喬資忠履信武烈文昭旃弓駢

七

駢輿馬翹翹。乃奮長縻。是轡是鑣。何以贈子。竭心公朝。何以叙懷。引領長謠。其八。○前趙錄。劉聰僭卽位。於平陽。遣從弟曜攻晉。破洛。

陽。遣子粲攻長安。陷之。首章謂天不祚晉。○老子云。天地不仁。以萬物爲芻狗。二章。謂天不祚晉。○漢書。王尊

之子伯爲京兆尹。軟弱不勝。○威之不建。二章。指家亡。聰所敗。而父母遇害。己遭禍。而播遷也。三章。指家亡。

○晉書。琨妻卽琨之母。爲劉粲所害。故云。二族偕覆。三

令。狐泥所害。卽琨之母。爲劉粲所害。故云。二族偕覆。三

擊。謂琨兄三子。或謂劉聰。劉曜。劉粲。玩下二句。恐說

不去。四章。指途中奔竄。申上章意。○五章。託喻己有

資。於六章。喻謹又將之。段匹鳳之所也。逸珠喻德盈。椀多

也。○六章。喻謹又將之。段匹鳳之所也。逸珠喻德盈。椀多

如秋棘之瘁。彌見可傷。○四章。表段之音。味文。言七章

言己之孤特。亦申前意。○八章。表段之音。味文。言七章

託身得所。望其戮力。王室轉

危。爲安。收束通篇。感激豪宕。

重贈盧湛

握中有玄璧。本自荆山璆。惟彼太公望。昔在渭濱叟。

聲平鄧生何感激。千里來相求。白登幸曲逆。鴻門賴留

侯。重耳任五賢。小白相射鈞。苟能隆二伯。安問黨與

讐。中夜撫枕歎。想與數子遊。吾衰久矣夫。何其不夢

周誰云聖達節。知命故不憂。宣尼悲獲麟。西狩涕孔邱。功業未及建。夕陽忽西流。時哉不吾與。去乎若雲浮。朱實隕勁風。繁英落素秋。狹路傾華蓋。駭駟摧雙轡。何意百鍊剛。化為繞指柔。鄧生鄧禹也。二伯桓文也。數子謂太公以下也。

○宣尼二句重複言之。與阮籍多言焉。所告繁辭將訴誰同一反覆申言之意。○拉雜繁會自成絕調。

扶風歌

朝發廣莫門。暮宿丹水山。左手彎繁弱。右手揮龍淵。顧瞻望宮闕。俯仰御飛軒。據鞍長歎息。淚下如流泉。繫馬長松下。發鞍高岳頭。烈烈悲風起。泠泠澗水流。揮手長相謝。哽咽不能言。浮雲爲我結。歸鳥爲我旋。去家日已遠。安知存與亡。慷慨窮林中。抱膝獨摧藏。麋鹿游我前。猿猴戲我側。資糧既乏盡。蔽薇安可食。攬轡命徒侶。吟嘯絕巖中。君子道微矣。夫子故有窮。惟昔李騫期。寄在匈奴庭。忠信反獲罪。漢武不見明。

我欲竟此曲。此曲悲且長。棄置勿重陳。重陳令心傷。
悲涼酸楚亦復不知所云

盧 諶

答魏子悌

崇臺非一幹。珍裘非一腋。多士成大業。羣賢濟弘績。
遇蒙時來會。聊齊朝彥蹟。顧此腹背羽。愧彼排虛翮。
寄身蔭四岳。託好憑三益。傾蓋雖終朝。大分邁疇昔。
在危每同險。處安不異易。亦叶俱涉晉昌艱。共更飛狐
厄。恩由契闊生。義隨周旋積。豈謂鄉曲譽。謬充本州
役。乖離令我感。悲欣使情惕。理以精神通。匪曰形骸
隔。妙詩申篤好。清義賁幽蹟。恨無隋侯珠。以酬荆文
璧。韓詩外傳晉平公遊於河而數曰安得賢士與之樂此也船人孟胥對曰主君亦不好士耳何患無
士公曰吾食客門左千人右千人何謂不好士乎對曰鴻鵠一舉千里恃有六翮耳背上之毛腹下之毛益一羽在飛不加高損一把在飛不加下今君之食客亦六翮在其中矣將皆背上之毛腹下之毛

昌郡名時段匹碑為此職謀在碑所難斥言之故
曰晉昌也石勒攻樂平劉琨自代飛狐口奔安次

時興詩

鹽鹽圓象運悠悠方儀廓忽忽歲云暮游原采蕭藿
北踰芒與河南臨伊與洛凝霜霑蔓草悲風振林薄
撼撼芳葉零蕊蕊芬華落下泉激冽清曠野增遼索
登高眺遐荒極望無崖萼形變隨時化神感因物作
澹乎至人心恬然存予漠

蕊蕊垂也

謝尚

大道曲

樂府廣題曰尚為鎮西將軍嘗著紫羅襦據胡牀在市中佛國門樓上彈

琵琶作大道曲市人不知為三公也

青陽二三月柳青桃復紅車馬不相識音落黃埃中

寫喧雜之况如見

郭璞

贈溫嶠

人亦有言。松竹有林。及爾臭味。異苔同岑。言以忘得。交以澹成。匪同伊和。惟我與生。爾神余契。我懷子情。攜手一豁。安知塵冥。

異苔同岑。句造語新。俊士衡贈馮維熊詩中。亦有此意。而語特

庸常

遊仙詩

遊仙詩本有託而言。坎壈詠懷。其本旨也。鍾嶸貶其少列仙之趣。謬矣。

京華遊俠窟。山林隱遯棲。朱門何足榮。未若託蓬萊。

臨源挹清波。陵岡掇丹黃。靈谿可潛盤。安事登雲梯。

漆園有傲吏。萊氏有逸妻。進則保龍見。退為觸藩羝。

高蹈風塵外。長揖謝夷齊。

進謂仕進言仕進者為保全身名之計。退則類觸藩

之羝孰若高蹈風塵從事於遊仙乎

青溪千餘仞。中有一道士。雲生梁棟閒。風出窗戶裏。

借問此何誰。云是鬼谷子。翹迹企潁陽。臨河思洗耳。

閭闔西南來。潛波渙鱗起。靈妃顧我笑。粲然啓玉齒。

蹇修時不存。要之將誰使。

閭闔指風言言風至而波紋生

翡翠戲蘭若。容色更相鮮。綠蘿結高林。蒙龍蓋一山。
中有冥寂士。靜嘯撫清絃。放情凌霄外。嚼蕊挹飛泉。
赤松臨上遊。駕鴻乘紫烟。左把浮邱袖。右拍洪崖肩。
借問蜉蝣輩。甯知龜鶴年。

六龍安可頓。運流有代謝。時變感人思。已秋復願夏。
淮海變微禽。吾生獨不化。雖欲騰丹谿。雲螭非我駕。
愧無魯陽德。迴日向三舍。臨川哀年邁。撫心獨悲吒。
逸翮思拂霄。迅足羨遠游。清源無增瀾。安得運吞舟。
珪璋雖特達。明月難闇投。潛穎怨青陽。陵茗哀素秋。
悲來惻丹心。零淚緣纓流。清源不能運吞舟之魚喻
塵俗不足容乎仙也。○言
世俗不欲求仙而怨天施之偏數浮生之促類潛穎
怨青陽之晚臻陵茗哀素秋之早至也。潛穎在幽潛
而結
穎者

雜縣

爰音

寓魯門。風暖將爲災。吞舟涌海底。高浪駕蓬

萊。神仙排雲出。但見金銀臺。陵陽挹丹溜。容成揮玉

杯。姮娥揚妙音。洪崖領其頤。升降隨長煙。飄飄戲九

垓。奇齡邁五龍。千歲方嬰孩。燕昭無靈氣。漢武非僊

才。雜縣即爰居也。○陵陽子明乃仙去者。○五龍皇

使人入海求蓬萊方丈瀛洲。○

超然而來。截然而止。須玩章法。

晦朔如循環。月盈已復魄。蓐收清西陸。朱羲將由白。

寒露拂陵苕。女蘿辭松柏。薜榮不終朝。蜉蝣豈見夕。

圓邱有奇草。鍾山出靈液。王孫列八珍。安期鍊五石。

長揖當途人。去來山林客。十洲記曰北海外有鍾山

也。

曹 昆

夜聽擣衣

寒興御紈素。佳人理衣衾。冬夜清且永。皓月照堂陰。

纖手疊輕素。朗杵叩鳴砧。清風流繁節。迴颿灑微吟。

嗟此嘉運速悼彼幽滯心二物感余懷豈但聲與音

二物承上二語

王羲之

蘭亭集詩

不獨序佳詩亦清超越俗寓目理自陳適我無非新非學道有得者

不能言也序為人誦述故不錄

仰視碧天際俯瞰綠水濱寥閬無涯觀寓目理自陳

大矣造化工萬殊莫不均羣籟雖參差適我無非新

有逸句云爭先非吾事靜照在忘求附錄於此

陶

潛

淵明以名臣之後際易代之時欲言難言時寄託不獨詠荆軻一章也六朝

第一流人物其詩有不獨步千古者耶鍾嶸謂其原出於應璩成何議論○清遠閑放是其本色而其中自有一段淵深朴茂不可幾及處唐人王儲韋柳諸公學焉而得其性之所近

停雲四章

停雲思親友也罇湛新醪園列初榮願言不

從歎息彌深

靄靄停雲。濛濛時雨。八表同昏。平路伊阻。靜寄東軒。
春醪獨撫。良朋幽邈。搔首延佇。

停雲靄靄。時雨濛濛。八表同昏。平陸成江。有酒有酒。
閒飲東窗。願言懷人。舟車靡從。

東園之樹。枝條再榮。競用新好。以招余情。人亦有言。
日月于征。安得促席。說彼平生。

翩翩飛鳥。息我庭柯。斂翮閒止。好聲相和。豈無他人。
念子實多。願言不獲。抱恨如何。

時運四章

時運遊暮春也。春服既成。景物斯和。偶影獨

遊欣慨交心

邁邁時運。穆穆良朝。襲我春服。薄言東郊。山滌餘靄。

宇曖微霄。有風自南。翼彼新苗。

翼字寫
出性情

洋洋平津。乃漱乃濯。邈邈遐景。載欣載矚。稱心而言。

人亦易足。揮茲一觴。陶然自樂。
延目中流。悠悠清沂。童冠齊集。閒詠以歸。我愛其靜。
寤寐交輝。但恨殊世。邈不可追。

斯晨斯夕。言息其廬。花藥分列。林竹翳如。清琴橫牀。
濁酒半壺。黃唐莫逮。慨獨在予。

晉人放達。陶公有憂勤語。有安分語。有自

任語。○黃農之感。寄意西山。此旨時或流露。

勸農六章

悠悠上古。厥初生人。傲然自足。抱樸含真。智巧既萌。
資待靡因。誰其贍之。實賴哲人。

哲人伊何。時惟后稷。贍之伊何。實曰播殖。舜既躬耕。
禹亦稼穡。遠若周典。八政始食。

熙熙令音。猗猗原陸。卉木繁榮。和風清穆。紛紛士女。
趣時競逐。桑婦宵征。農夫野宿。

氣節易過。和澤難久。冀缺攜饌。沮溺結耦。相彼賢達。

猶勤隴畝。矧伊衆庶。曳裾拱手。

民生在勤。勤則不匱。宴安自逸。歲暮奚冀。儋石不儲。飢寒交至。顧爾儔列。能不懷愧。

孔耽道德。樊須是鄙。董樂琴書。田園不履。若能超然。

言能如孔子董相庶可不務隴畝耳勉人

意在言外領取

命子

嗟予寡陋。瞻望弗及。顧慙華鬢。負影隻立。三千之罪。

無後爲急。我誠念哉。呱聞爾泣。

卜云嘉日。占亦良時。名汝曰儼。字汝求思。溫恭朝夕。

念茲在茲。尚想孔伋。庶其企而。

厲夜生子。遽而求火。凡百有心。奚特於我。旣見其生。

實欲其可。人亦有言。斯情無假。

古叶

日居月諸。漸免於孩。福不虛至。禍亦易來。夙興夜寐。

願爾斯才爾之不才亦已焉哉

酬丁柴桑二章

有客有客爰來爰止秉直司聰于惠百里餐勝如歸

聆善若始

可作箴規

匪惟諧也屢有良由載言載眺以寫我憂放歡一遇
既醉還休實欣心期方從我遊

歸鳥四章

翼翼歸鳥晨去於林遠之八表近憩雲岑和風不洽
翻翻求心顧儔相鳴景庇清陰

翼翼歸鳥載翔載飛雖不懷遊見林情依遇雲頡頏
相鳴而歸遐路誠悠性愛無遺

翼翼歸鳥馴林徘徊豈思天路欣及舊棲雖無昔侶

衆聲每諧日夕氣清悠然其懷

亦諧衆聲自有曠懷此是何等品格

翼翼歸鳥戢羽寒條遊不曠林宿則森標晨風清興

好音時交。贈繳奚施。已卷安勞。

他人學三百篇痴而重與風雅日遠此不

學三百篇清而映與風雅日近

遊斜川

辛丑歲正月五日天氣澄和風物閑美與二三鄰曲同遊斜川臨長流望層城魴鯉躍鱗於將夕水鷗乘和以翻飛彼南阜者名實舊矣不復乃爲嗟歎若夫曾城傍無依接獨秀中臯遙望靈山有愛嘉名欣對不足率爾賦詩悲日月之遂往悼吾年之不留各疏年紀鄉里以記其時日

開歲脩五日。吾生行歸休。念之動中懷。及辰爲茲遊。氣和天惟澄。班坐依遠流。弱湍馳文魴。閑谷矯鳴鷗。迴澤散遊目。緬然睇曾邱。雖微九重秀。顧瞻無匹儔。提壺接賓侶。引滿更獻酬。未知從今去。當復如此不。